

1052

Univerzitet u Sarajevu



University of Sarajevo

Broj: 0101-3443-1/23
Sarajevo, 03. 04. 2023. godine

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
n/r Gospodina Elvedina Okerića, predsjedavajućeg
Ul. Reisa Džemaludina Čauševića 1
71000 Sarajevo

- 5 -04- 2023

01 04 7728-5-33

Predmet: Odgovor na zastupničko pitanje, *dostavlja se*
Veza: Vaš akt broj: 01-04-7728-5/23 od 24. 03. 2023. godine

Poštovani predsjedavajući gospodine Okeriću,

u skladu sa aktom (gornji broj), a koji se odnosi upit gospodina Faruka Selmanovića, zastupnika u Skupštini Kantona Sarajevo, obavještavamo Vas slijedeće:

Univerzitet u Sarajevu – Elektrotehnički fakultet je aktom broj: 02-501/23 od 21. 02. 2023. godine sa pripadajućom dopunom broj: 02-511/23 od 22. 02. 2023. godine, Rektor u Sarajevu dostavio dokumentaciju sa prijedlogom Rješenja o imenovanju dekana Univerziteta u Sarajevu – Elektrotehničkog fakulteta za mandatni period 2023. – 2027. godina.

Članom 15. stav (2) Zakona o visokom obrazovanju („Službene novine Kantona Sarajevo“, broj: 36/22) propisano je da rektor, direktor visoke škole, dekani, direktori instituta, prorektori i prodekani u sastavu visokoškolske ustanove ne mogu obavljati funkcije u organima izvršne i zakonodavne vlasti, političkim strankama i sindikalnim organizacijama za vrijeme trajanja mandata. Također, stavom (3) navedenog člana propisano je da za vrijeme trajanja mandata, lica iz stava (2) ovoga člana ne mogu biti birana ili imenovana na funkcije u organe izvršne i zakonodavne vlasti, političkim strankama i sindikalnim organizacijama.


Uvidom u dostavljeni tekst Konkursa za izbor dekana (rukovodioca organizacione jedinice) Univerziteta u Sarajevu – Elektrotehničkog fakulteta za mandatni period 2023. – 2027. godine, objavljenog 23. januara 2023. godine u dnevnom listu Dnevni avaz i zvaničnim web stranicama Univerziteta u Sarajevu – Elektrotehničkog fakulteta i Univerziteta u Sarajevu, konstatovano je

da isti nije usklađen sa odredbama člana 15. Zakona o visokom obrazovanju („Službene novine Kantona Sarajevo“, broj: 36/22).


Uvidom u dostavljeni Izvještaj o provedenom tajnom glasanju i kandidatu kojeg je Vijeće Univerziteta u Sarajevu – Elektrotehničkog fakulteta izabralo za dekana (rukovodioca organizacione jedinice) Univerziteta u Sarajevu – Elektrotehničkog fakulteta za mandatni period 2023. – 2027. godina, broj: 01-474/23 od 20. 02. 2023. godine, ustanovljeno je da Vijeće Univerziteta u Sarajevu – Elektrotehničkog fakulteta ima 64 člana/ice sa pravom glasa, da sjednici prisustvuje 63 članova/ica Vijeća, a da je broj ovjerenih glasačkih listića 70, te da se 5 (pet) preostalih glasačkih listića izdvaja i vode kao „rezervni“. U vezi sa navedenim, ističemo da Univerzitet u Sarajevu – Elektrotehnički fakultet uz prateću dokumentaciju nije dostavio akt Vijeća Fakulteta iz kojeg je vidljiv postupak utvrđivanja broja i strukture glasačkih listića, u konkretnom slučaju utvrđivanja broja i namjene „rezervnih“ glasačkih listića.

U skladu sa svim naprijed navedenim, shodno odredbi člana 72. stav (6) Zakona o visokom obrazovanju („Službene novine Kantona Sarajevo“ broj: 36/22), Rektor Univerziteta u Sarajevu je donio Odluku broj: 0101-1988-2/23 od 02. 03. 2023. godine kojom se odbija potpisivanje Rješenja o imenovanju dekana Univerziteta u Sarajevu – Elektrotehničkog fakulteta za mandatni period 2023. – 2027. godine. Navedena je odluka, shodno citiranim odredbama Zakona dostavljena Vijeću Univerziteta u Sarajevu – Elektrotehničkog fakulteta na očitovanje.

S poštovanjem,


Prof. dr. Rifat Škrijelj

Akt obradila: Alma Voloder-Madacki, vi
Akt kontrolirala: Berina Smajlović Dolja
Akt odobrio: Kenan Filipović, generalni s


Službi za prave poslove
Službe za pravne poslove
Sarajevu

Dostaviti:

- Naslovu
- Vladi Kantona Sarajevo
- Ministarstvu za nauku, visoko obrazovanje i mlade Kantona Sarajevo
- Kabinetu Rektora
- Službi za pravne poslove
- Arhivi